



WEGONEN-SH BEMAADIZID MIIGIWED ODOODIKOSIWAN?

Niizh odoodikosiwag gigii-nitaawigimin. Awiya mino-ayaad, bezhig eta ayaawaad daa-mino-bimaadizi. Mii-sa awiya bezhig odoodikosiwan oadaa-miinaan awiyan mino-ayaasig odoodikosiwan. Mii owe bemaadizid miigiwed odoodikosiwan. Mii owe bemaadizid miigiwewin. Awiya iwe miigiwed odoodikosiwan, “bemaadizid miigiwe” inaa’, awiya andawenimaad, “miinind odoodikosiwan.”

Gichi-ayaa mino-ayaad daa-andooshkigaadeni daga ge-miigiwepan. Awiya iwe waa-doodang mashkikiwininiwan ji-waabamigod daga ji-mino-ayaapan ji-miinaapan odoodikosiwan awiyan endawenimaanid.

Ezhiseg miigiweng odoodikosimaa’, niizhing da-maajizhawem, ji-odaapinind odoodikosiw zhigwa ji-aandasimind ji-miinind awiya endawenimaad. Ishkwaa izhiseg, nawach zoonganokii awe gaa-nishike naganind odoodikosiw ji-nanaa’iseg bezhigod eta. Endasowaki ji-andawaabamaad mashkikiwininiwan awe gaa-gii-miigiwe daga gwayak anokiinid odoodikosiwan.

AANIISHWIIN AANIND AWIYAG JI-ONJI MIININDWAA ODOODIKOSIWAN?

Odoodikosiwag obiinitoonaawaa’ miskwi. Aaniin minik zhiiwitaagan zhigwa gaa-bimijiwang giwiiyawinaang. Ningoding aakoziwin ayaang daabishkoo ishpaagamishkaag miskwi gemaa zhiwaapinewin, daa-boonanokiiwag odoodikosiwa’ awiya.’ Owe izhiseg, “Ani-giishkise odoodikosiw,” ijigaade, ani-giishkise aaniish anokiwaad odoodikosiwag. Apii boonanokiinid odoodikosiwa’ awiya, gegoo ji-doodawind ji-biinichigaadenig omiskwiim. Bezhig ge-izhichigeng, daa-miinaa odoodikosiwan. Da-onjiseni awiyan bemaadizinid ji-miinigod gemaa awiya noomaya’ii gii-nibonid. Maagizhaa daa-meshkwajichigaadeni omiskwiim. Owe izhichigeng, aabajichigan aabadad ji-biinichigaadenig omiskwiim. Nawach idash daa-minose ji-miinindiban odoodikosiwa.’

AANIIN NAWACH EZHI-MINOSEG JI-ONDIZID AWIYA ONJI AWIYAN BEMAADIZINID?

- Awiya ani-giishkisenid odoodikosiwa’ daa-miinaa odoodikosiwa’, awiya bemaadizid ji-ondinindiban nawach daa-minose.
- Odoodikosiwan awiya bemaadizid ondinind nawach ginwezh anokiwag apiich awiya gaa-gii-nibod onji.
- Bemaadizid awiya onji ondinind odoodikosiwan, gaawiin memwech ji-biinichigaadenig omiskwiim gaa-miinind
- Awiya gaa-ondinaad odoodikosiwan onji bemaadizid, gaasiibiiwaa’ onji ji-bii’od ji-ondizid onji awiya gii-nibonid. Nawach dash gidaatabiseni onji bakaan awiyag gaa-babii’owaad ji-ondiziwaad odoodikosiwan.
- Apii ji-odaapinind ji-aanike-miigiweng awe odoodikosimaa’, da-bii’om minik ezhi-niizhiwaad, gaa-miigiwed zhigwa gaa-ondizid weweni ji-mino-ayaawaad. Mino-ayaad awiya, nawach zhemaag giige ishkwaa maajizhwand.
- Niibowa awiyag gaa-gii-miigiwewaad odoodikosiwaa’, minwendamoog gii-wiiji’awaad awiyan endawendaminid.



BIGO NA AWIYA DAA-MIIGIWE ODOODIKOSIWAN?

Bigo gichi-ayaa daa-izhiseni ji-miigiwepan odoodikosiwan. Maagizhaa awiya inawemind, wijiwaaganimind, gemaa awiya gekenimind daa-ondizim odoodikosiwag. Gaawiin gaye memwech awe ge-ondizing ji-naasaabi daso-bibooned, ji-inini gemaa ikwepan gemaa ji-wijikaanezid ji-ondizing odoodikosiwan. Bigo awiya sago daa-ondizim.

Ezhi-niizhiwaad, gaa-miigiwed zhigwa ge-ondizid ji-izhaawaad mashkikiwininiwan ji-waabamindwaa daga ji-minoseg owe ji-izhichigengiban. Daabishkoo, ge-miigiwed ji-mino-ayaad, daga gaye ji-mino-ayaapan ishkwaadaapinimimind odoodikosiwan. Mii-go gaye bezhigon awe ge-ondizid ini odoodikosiwan gewiin ji-mino-ayaad ji-maajizhwand ji-miinind odoodikosiwan daga gaye ji-mino-ayaapan ji-odaapinang mashkikiin ge-miinind ishkwaadaapinang maajizhwand. Odaapinigaadeniwan omiskwiimiwaan dago ozhagayiwaan, daga ji-inawemaaganikin. Giishpin naanaasaabingin, mii ezhi-niizhiwaad “inawemaaganidiwag” mii daa-ondizi odoodikosiwan onji ini miinigod. Ge-andooshkigaadenigin gegoon, giizhigak da-izhaawag ji-andawaabamaawaad mashkikiwininiwan.

Ishkwaadaapinang, inendaam gaa-miigiwed da-mino-ayaa. Ji-mamino-ayaad, ayapiichinaag mashkikiwininiwan ji-andawaabamaad ji-waabamigod.

AANIIN DASH EZHISEG GIISHPIN GE-MIIGIWE ZHIGWA GE-ONDIZID NA'ISHKODAADISIGWAA?

Giishin gaa-miigiwed dago ge-ondizid inawemaaganizisinig omiskwiimiwaa, mii “inawemaaganidizisiwag.” Maagizhaa bezhig awe omiskwiim bakaan dino onji awedi bakaan. Gemaa, ateni gegoo omiskwiiming (miskwi enaagaming) ge-ondizid ge-aanawenimaanid ini odoodikosiwan ge-miinindiban.

Giishpin dash inawenimaaginizisigwaa ezhi-niizhiwaad, maagizhaa dash daa-mikigaazo awiya imaa Kidney Paired Donation izhichigewining awiyan ge-ondizinipan. Owe izhichigewin wiji'iwemagad ji-mikawindwaa ingi ge-inawemaaganidiwaapan iwe izhi. Gagwejim iwe gaa-inanokiiwaad gemaa inaabin imaa blood.ca/organs-tissues maagoniganing.

BEMAADIZID MIIGIWE DINOOKAAN

Dibinawe Miigiwewin Mii owe dino miigiwewin gikenindiwag ezhi-niizhiwaad, awe ge-miigiwed zhigwa awe ge-ondizid. Maagizhaa inawenindiwag (daabishkoo oniigi'igomaa, abinoojii, wijiizhaanag, gemaa ogetaadizima) gemaa inawenindizisigwaa daabishkoo (wiigimaa, wijiwaagan, wiidanokiimaagan).

Bakaan onji Miigiwewin (NDAD) Owe izhise giishin awiya noonde-miigiwed odoodikosiwan, bigo awiya oada-ondinaan giishin inawenimaaganizisinig ji-izhisenig. Oada-wiji'igon awe gaa-bii'od ozhibii'iganing ji-ondinaad odoodikosiwan. Mli dash gaye bakaan awiyag oada-wiji'igonaawaa' imaa onji Kidney Paired Donation izhichigewining. Imaa dash onji, daa-maajise ji-andonewind awiya ge-ondizinipan awiyan odoodikosiwan.

Iwe bemaadizid miigiwed eyaamagak gechiwaag eyaayan gidaa-gikendamoonigoog iwe Kidney Paired Donation izhichigewin. Gidaa-mikaan gaye imaa blood.ca/organs-tissues maagoniganing.



AANIIN GE-IZHI-MAAJITAAYAAN?

Giishin awiya gikenimad awiya bii'od odoodikosiwan onji, ganoonzh. Gemaa, gidaa-ganoonaag gechiwaag gaa-ayaayan ingiwe gaa-inanokiiwaad. Giishpin gegiin gaye ginoonde-miigiwe gidoodikosiw, gidaa-gagwedwe gechiwaag imaa gaa-ayaayan. Ganoonzh ingi gaa-inanokiiwaa gemaa maagoniganing gidaa-inaabe imaa blood.ca/organs-tissues gaa-izhibii'igaadeg.

Program contact information

Gaawiin gashkichigesiiwag Canadian Blood Services gaa-inindwaa. Health Canada obimendaan ozhitoowaad gegoon bemaadadinig miziwe gichi-ogimaawining onji-wiiji'aawag mino-ayaawin onji, Canadian Blood Services miziwe ji-izhi-anokiiwaad omaa Canada mino-ayaawin onji. Miziwe gegoon miskwiing onji odanokaadaanaawaa' ji-mino-ayaanid awiyan, ondiziwag miziwe onji gichi-ogimaawining, Quebec eta gaawiin. Biinjiwiiyaw zhigwa ozhagay gegoon, nindoondnokiimin onji zagakibii'igewining miziwe onji ji-gagiiginangwaa ingiweg ge-inawemaaganiwaapan odoodikosiwa' onji, wiiji'igowaad miziwe Canada awiyag ji-mino-bimaadiziwaapan.